

928
4

中興間氣集



中興閒氣集

四部叢刊集部

上海涵芬樓借嘉
興沈氏藏明刊本
景印魚書板匡高
營造尺五寸二分
寬四寸二分

中興間氣集姓氏

卷上

錢起十二首

張衆甫三首

于良史三首

鄭丹二首

李希仲二首

李嘉祐八首

章八元一首

戴叔倫六首

皇甫冉十三首

杜誦一首

朱灣七首

韓翃七首

蘇渙三首

卷下

郎士元十二首

崔峒九首

張繼三首

劉長卿九首

李季蘭六首

竇參三首

道人靈一四首

姚倫二首

皇甫曾五首

鄭常三首

孟雲卿六首

劉灣四首

張南史三首

中興間氣集姓氏畢

中興間氣集目錄

渤海高仲武集

卷之上

錢起

奉送劉相公催轉運

裴迪書齋翫月之作

廣德初鑾駕出關後愁望之作

太子李舍人城中別業與文士逃暑

詠白油帽送客

東臯早春寄郎四校書

闕下贈裴舍人

送溫逸人

送李史赴洪州

宿畢侍郎宅

夜靜訓通上人問疾

山中寄時校書

張衆文

寄興園池鶴上劉相公

送李觀之宣州謁袁中丞得三州渡

送李司直使吳

于良史

冬日野望

閑居

鄭丹

玄宗至道大聖大明皇帝挽歌

肅宗挽歌

李希仲

東皇太乙祠

薊北行二首

李嘉祐

發湓浦望山作初晴直省賫勅江陰
送王牧吉州謁使君叔

潤州王別駕宅送蔣九侍御歸揚州
奉陪韋潤州送鶴林寺

仲夏江陰官舍寄裴明府

送韋貞外端公宣慰勸農畢赴洪州

登楚城驛十里村竹林次交映

送從弟任饒州錄事參軍

章八元

新安江行

戴叔倫

送夷甫宰鄮縣

送趙主簿自蜀歸絳州觀省

皇甫冉

送王相公赴幽州

題裴固新園

酌袁補闕中天寺見寄

酌崔侍御期蘇道士不至

巫山高

和袁郎中破賊後經剡中山水

送元晟還於潛山所居

獨孤中丞筵陪餞韋使君赴昇州

同杜相公對山僧作

送林貞外往江南

送李錄事赴饒州

秋日東林作

少室韋鍊師昇仙

杜誦

哭長孫侍御

朱灣

燕居寒菊花

奉使設宴戲擲龍籌

詠雙陸頭子

詠壁上酒瓢呈蕭明府

詠玉

送陳偃賦得白鳥翔翠微

題段上人院壁画古松

韓翃

送辰州李中丞

題薦福寺衡岳禪師房

奉送王相公赴幽州

題蘇許公林亭

送孫革及第後歸江南

題僧房

送太常元博士歸潤州

蘇渙

變律

同前

同前

卷之下

郎士元

送楊中丞和蕃

送奚賈歸吳

別鄭礪

送長沙韋明府之縣

送洪州李別駕之任

送裴補闕入河東幕

春日宴張舍人宅

送陸貞外赴潮州

送王芬流雷州

題劉相公三湘圖

送孫侍郎往容府宣慰

塞下曲

崔峒

春日憶姚氏外甥

題崇福寺禪師院

江上書懷

送薛良友往越州謁從叔

送真上人還蘭若

送丘二十二歸蘇州

初辭命後酌丘二十二見贈

題桐廬李明府官舍

清江曲內一絕

折腰體

張繼

送判官往陳留

感懷

夜泊松江

劉長卿

題崔公庭竹

送朱山人越州賊退歸山陰別業

謫至干越亭作

陪鄭中丞林園宴

送張繼司直適越

送駱三少府西山應制

送李中丞之襄州

題鄭山人幽居

送郎士元

李季蘭

湖上卧病喜陸鴻漸至

寄校書七兄

寄朱放

送韓揆之江西

道意寄崔侍郎

賦得三峽流泉歌

竇叅

閑居湖上

登潛山觀

遷謫江表父未歸

道人靈一

酬皇甫冉赴無錫於雲門寺贈詩別

宿靈洞觀

靜林寺即武帝隱所有鐘磬皆古物昔

昔有聲

雨後欲尋天目山問元略二公溪路絕

句

姚倫

感秋林

過章秀才客居

皇甫曾

送雲門邕上人

送林中丞還京

贈別荃公

送杜中丞還京

早朝日寄所知

孟雲卿

鄴城懷古

傷情

傷時

同前

西蜀劉灣

出塞曲

虹縣嚴孝子墓作

李陵別蘇武

雲南曲

張南史

送朱文北遊

陸勝宅秋雨中探韻同作

送司空十四遊宋州

中興間氣集目錄終

中興間氣集卷上

渤海高仲武集

錢起

負外詩體格新奇理致清贍越從登第挺
冠詞林文宗右丞許以高格右丞沒後負
外爲雄艾齊宋之浮游削梁陳之靡曼迴
然獨立莫之與羣且如鳥道挂踈雨人家
殘夕陽又牛羊上山小烟火隔林踈又長
樂鐘聲花外盡龍池柳色雨中深皆特出
意表標雅古今又窮達戀明主耕桑亦近

郊則禮義克全忠孝兼著足可弘長名流
爲後楷式士林語曰前有沈宋後有錢郎
奉送劉相公催轉運

國用資戎事臣勞爲主憂將徵任土貢更發濟
川舟擁傳星還去回池鳳不留唯高飲冰節稍
淺別家愁落葉淮邊雨孤山海上秋遙知謝公
興微月在高樓

裴迪書齋翫月之作

夜來詩酒興月上謝公樓影閉重門靜寒生獨
樹秋鵲驚隨月散螢遠入因流今夕遙天未青
暉幾處愁

廣德初見鬻駕出關後秋望之作

愁看秦川色慘慘雲景晦乾坤暫運行品物遺
覆載黃塵漲戎馬紫氣隨龍旆掩泣指關東日
月秋氛外臣心寄遠水潮海去如帶周德更休
明天衢佇開泰

太子李舍人城中別業與文士逃暑

下車失炎暑重門深綠篔宮臣禮嘉客林表開
蘭堂茲席興難盡澄壘照墨塲鮮風吹印綬密
坐皆馨香美景惜文會清吟遲羽觴東陵晚來

好極目趣何長鳥道挂疎雨人家殘夕陽城隅
擁歸騎留酌戀瓊芳

咏白油帽送客

薄盾慙加首微陰幸庇身卷舒無定日行止必
依人已沐脂膏惠寧辭雨露頻雖同客衣色不
染洛陽塵

東臯早春寄郎四校書

祿微賴學稼歲起歸衡苑窮達戀明王耕桑亦
近郊夜來霽山雪陽氣動林梢萌蕙暖初吐春
鳩鳴欲巢蓬萊時入夢知子憶貧交

闕下贈裴舍人

二月黃鸝飛上林春城紫禁曉陰陰長樂鐘聲
花外盡龍池柳色雨中深陽和不散窮途恨霄
漢常懸捧日心獻賦十年猶未遇羞將白髮對
華簪

過溫逸人舊居

反真難合道懷舊仍無弔浮俗漸澆淳斯人誰
繼妙聲容心在耳寧覺阻言笑玄堂閑幾春拱
木齊雲嶠鶴傳若士舞猿得蘇門嘯酌酒片陽
微空山想埋照

送彈琴李長史赴洪州

抱琴爲傲吏孤棹復南行
幾處秋江水皆添白雪
聲佳期來客夢幽思緩
王程佐牧無勞問心和
政自平

宿畢侍御宅

交情頻更好子有古人風
晤語清霜裏平生苦節
同心惟二仲合室乃一
瓢空落葉寄秋菊愁雲
低夜鴻薄寒燈影外殘
漏雨聲中明發南昌去
迴看御史駘

靜夜訓通上人問疾

東林生早涼高枕遠公房
大士看心後中宵清漏長
驚蟬出暗柳微月隱迴廊
何事沉痾久含毫問藥王

山中寄時校書

蓬萊紫氣溫如玉唯予知
爾陽春曲別來幾日芳
蓀綠百花酒滿不見君
青山一望心斷續

張衆文

寄興園池鶴上劉相公

馴狎經時久雛雛短翮存
不隨淮海變空愧稻梁恩
獨立秋天靜單栖夕露繁
欲飛還斂翼詎敢望乘軒

送李觀之宣州謁袁中丞賦得三洲渡
古渡大江濱西南距要津自當舟楫路應濟往
來人翻浪驚飛鳥回風起綠蘋君看波上客歲
晚獨垂綸

送李司直使吳

使君方擁傳王事遠辭家震澤逢殘雪新豐遇
落花一作過字水萍千葉散風柳萬條斜何處看
離恨春江無限沙

于良史

侍御詩清雅工於形似如風兼殘雪起河

帶斷水流吟之未終皎然在目

冬日野望

地際朝陽滿天邊宿霧收風兼殘雪起河帶斷
水流北闕馳心極南圖尚旅遊登臨思不已何
處可消憂

閑居

隱几讀黃老閑齋耳目明僻居人事少多病道
心生雨洗山林濕蛙鳴池館晴寒簾暮雲起殘
日上高城

鄭丹

丹詩剪刻婉密寶曆中獻二帝兩后挽歌
三十首詞旨哀楚得臣子之致雖不及事
朝廷嘉之解褐任薊州錄事參軍今選尤
者列于此集

玄宗至道大聖大明皇帝挽歌

律曆千年會車書萬里同固期常戴日豈謂厭
觀風地慘新疆理城摧舊戰攻山河寧不壯今
夕盡皆空

夕一作昔

肅宗挽歌

國以重明受天從諒闇移諸侯方北面白日忽

西馳龍影當泉落鴻名向廟垂未言青史上還
是載無爲

李希仲

李詩輕靡華勝於實此所謂才力不足務
爲清逸然前軍飛鳥落格鬪塵沙昏亦出
塞實錄疊疊不絕者可及于中矣

東皇太一祠

去日初齋戒靈巫穆上皇焚香布瑤席鳴佩奠
椒漿緩舞花飛滿清歌水去長回波送神曲雲
雨過瀟湘

薊北行二首

旄頭有精芒胡騎獵秋草羽檄南渡河邊庭用
兵早漢家愛征戰宿將今已老辛苦羽林兒從
戎榆關道

其二

一身救邊速烽火連薊門前軍飛鳥落斷一作格
鬪塵沙昏寒入鼓聲急單于將夜奔當須徇忠
節身死報國恩

李嘉祐

袁州自振藻天朝大收芳譽中興高流與

錢郎別爲一體往往涉于齊梁綺靡婉麗
益吳均何遜之敵也如野渡花爭發春塘
水亂流又朝霞晴作雨濕氣晚生寒文章
之冠冕也又禪心超忍辱梵語問多羅役
使許詢更出孫綽復生窮極筆力未到此
境

發湓浦望山作初晴直省賫勅催赴江
陰

西望香爐雪千峰晚望新白頭悲作吏黃紙更
催人多負登山屐深巖漉酒巾傷心公府內手

版日相親

送王牧吉州謁使君叔

細草綠汀洲王孫耐薄遊年華初冠帶文體舊
弓裘野渡花爭發春塘水亂流使君憐小阮應
念倚門愁

潤州王別駕宅送蔣九侍御收兵歸揚
州

沴氣清金虎兵威壯鉄冠揚旌川色暝吹角水
風寒人對鞦韆醉花看睥睨殘羨歸丞相府空
望舊雕欄

奉陪韋潤州遊鶴林寺

野寺江城近雙旌五馬過禪心超忍辱梵語問
多羅松竹閑僧老雲烟晚日和寒塘歸路轉清
磬隔微波

仲夏江陰官舍寄裴明府

萬室邊江次孤城對海安朝霞晴作雨濕氣晚
生寒苔色侵衣袂潮痕上井欄題書招茂宰思
爾欲辭官

送韋貞外端公宣慰勸農畢赴洪州

聖主臨前殿殷憂遣使臣氣迎天詔喜恩發土

膏春草色催歸棹鶯聲爲送人龍沙多道里流水日相親

登楚城驛路十里村竹林次交映

十里山村道千峰櫟樹林霜濃竹枝亞歲晚荻花深草市多樵客漁家足水禽幽居雖可羨無那子牟心

和苗員外秋夜省直

夕雨南宮夜仙郎寓直時漏長丹鳳闕秋老白雲司螢影侵階亂鴻聲出苑遲蕭條人吏散小謝有新詩

章八元

新安江行

江源南出永野飯暫維梢古戍懸魚網空林露鳥巢雪晴山脊見沙淺浪痕交自笑無媒者逢人作解嘲

戴叔倫

吳明府自遠而來留宿

出門逢故友衣服滿塵埃歲月不可問山川何處來綺城容散宅散職寄靈臺自此留君醉相懽得幾迴

除夜宿石頭驛

旅館誰相問，寒燈獨可親。
一年將盡夜，萬里未歸人。
寥落悲前事，支離笑此身。
愁顏與衰髮，明日又逢春。

客夜與故人偶集

天秋月又滿，城闕夜千重。
還作江南會，翻疑夢裏逢。
風枝驚暗鵲，露草覆寒蛩。
羈旅長堪醉，相留畏曉鐘。

送友人東歸

萬里楊柳色，出關送故人。
輕烟拂流水，落日照

行塵積夢，江湖闊憶家。
兄弟貧徘徊，灞亭上，不語自傷春。

別友人

擾擾倦行役，相逢陳蔡間。
如何百年內，不見一人閑。
對酒惜餘景，問程愁亂山。
秋風萬里道，又出穆陵關。

廣陵送趙主簿自蜀歸

將歸汾水上，遠省錦城來。
已泛西江盡，仍隨北雁迴。
暮雲征馬速，曉月故關開。
漸向庭闈近，留君醉一杯。

皇甫冉

冉詩巧於文字發調新奇遠出情外然而
雲藏神女館雨到楚王宮與閉門白日晚
倚杖青山暮及遠山重疊見芳草淺深生
岍草知春晚沙禽好夜驚又燕知社日辭
巢去菊爲重陽冒雨開可以雄視潘張平
揖沈謝又巫山詩終篇奇麗自晉宋齊梁
陳隋以來採掇者無數而補闕獨獲驪珠
使前賢失步後輩卻立自非天假何以逮
斯長轡未騁芳蘭早凋悲夫

送王相公赴幽州

自昔蕭曹任難兼衛霍功勤勞無遠近旌節屢
西東不選三河卒還令萬里通雁行緣古塞馬
鬣起長風遮虜關山靜防秋鼓角雄徒思一攀
送羸病葦門中

題裴固新園

東郭訪先生西郊尋隱路久爲江南客自有雲
陽樹已得丘園心不知公府步閉門白日晚倚
杖青山暮果熟任霜封籬踈從水渡窮年無牽
綴往事惜淪誤惟見耦耕人朝朝自來去

酬袁補闕中天寺見寄

東林初結社，已有晚鐘聲。
窗戶皆流水，房廊半架城。
遠山重疊見，芳草淺深生。
每與君攜手，多煩長老迎。

酬崔侍御期蘇道士不至

一心求妙道，幾處候真師。
丹竈今何處，白雲無定期。
崑崙烟景絕，汗漫往來遲。
君但焚香待人間，到有時。

巫山高

巫峽見巴東，迢迢出半空。
雲藏神女館，雨到楚

王宮朝暮泉聲落，寒暄樹色同。
清猿不可聽，偏

在九霄中

一作秋

和袁郎中破賊後經剡中山水

武庫分帷幄，儒衣事鼓鼙。
兵連越徼外，寇盡海

氛門

一作

西節比全，踈勒功當雪。
會稽旌旗迴，剡

嶺士馬濯耶溪，受律梅初發。
班師草未齊，行看

佩侯

一作

印，豈得訪丹梯。

送元晟還於潛山所居

深山秋事早，君去復何如。
裊露收新稼，迎霜葺舊廬。
題詩即招隱，作賦是閑居。
別後空相憶，嵇

康懶寄書

獨孤中丞筵陪餞韋使君赴昇州

中司龍節貴上客虎符新地控吳襟帶才高漢
縉紳泛舟應度臘入境便行春何處一作歌來
暮長江建業人

同杜相公對山僧作

吏散重門掩僧來閉閣閒遠心馳北闕春興寄
東山草長風光裏鶯喧靜默間芳晨不可住惆
悵暮禽還

送林貞外往江南

分務江南遠留權幕下榮楓林綠楚澤水驛到
湓城岼草知春晚沙禽好夜驚風帆幾泊處處
處暮潮清

送李錄事赴饒州

北人南去雪紛紛雁叫汀沙不可聞積水長天
隨遠道荒城極浦足寒雲山從建業千峰出江
至潯陽九派分借問督郵纔弱冠府中年少不
如君

秋日東郊作

閒看秋水心無事臥對寒松手自栽廬岳高僧

留偈別茅山道士寄書來燕知社日辭巢去菊
爲重陽冒雨開淺薄將何稱獻納臨岐終日獨
遲迴

少室韋鍊師昇仙歌

紅霞紫氣晝氤氳絳節青幢迎少君忽從林下
昇天去空使時人禮白雲

杜誦

杜君詩調不失如流水生涯盡浮雲世事
空得生人始終之理故編之

哭長孫侍御

道爲詩書重名因雅頌雄禮闈曾擢桂憲府舊
乘驄流水生涯盡浮雲世事空唯餘舊臺柏蕭
颯九原中

朱灣

從事率履正素放情江湖郡國交辟潛躍
不起有唐高人也詩體幽遠興用洪深因
詞寫意窮理盡性於詠物尤工如受氣何
曾異開花獨自遲所謂哀而不傷國風之
深者也

秋夜燕王郎中宅賦得露中菊

衆芳春競發寒菊露偏滋受氣何曾異開花獨
自遲晚成猶待賞欲采未過時忍棄東籬下看
他迭盛衰

奉使設宴戲擲籠籌

今日陪樽俎良籌復在茲獻酬君有禮賞罰我
無私莫恠斜相向還將正自持一朝權入手看
取令行時

詠雙陸頭子

采采應緣白鑽心不爲名掌中猶可重手下莫
言輕有對唯求敵無私直任爭君看一擲後當

取擅場聲

詠壁上酒瓢呈蕭明府

不是難提挈行藏固有期安身未得所開口欲
從誰應物心無倦當壚柄會持莫將成廢器還
有對樽時

詠玉

歌玉屢招疑終朝省復思旣哀黃鳥興還復白
圭詩請益先求友將行必擇師誰知不鳴者獨
下董生帷

送陳偃賦得白鳥翔翠微

不知鷗與鶴天畔弄晴暉背日分明見臨川相
映微淨中雲一點回處雪孤飛正好南枝住翩
翩何所歸

題段上人院壁畫古松

石上盤古根謂言天生有安知草木性變在回
師手陰深方丈間真趣幽且閑木紋離披勢槎
枿中裂空心火燒出掃成三寸五寸扶便是千
年萬年物莓苔濃淡色不同一面一作半死皮生
蠹虫風霜未必來到此氣色杳在寒山中孤標
可玩不可取能使支公道場古

韓翃

韓翃外詩匠意近於史興致繁富一篇一
詠朝士珍之多士之選也如星河秋一雁
砧杵夜千家又客衣筒布潤山舍荔支繁
又踈簾看雪捲深戶映花關方之前載芙
蓉出水未足多也其比興深於劉翃外筋
節成於皇甫冉也

送辰州李中丞

白羽逐青絲翩翩南去時巴人迎道路蠻帥引
旌旗暮雨山開少秋風葉落遲功成異他日應

見竹郎祠

題薦福寺衡嶽禪師房

春城乞食還高論此中閑僧臘堦前樹禪心江
上山踈簾看雪捲深戶映花關晚送門人出鐘
聲杳靄間

奉送王相公赴幽州

黃閣開帷幄丹墀侍冕旒位高湯左相權摠漢
諸侯不改周南化仍分趙北憂雙旌過易水千
騎入幽州寒草連天暮邊風動地秋無因陪遠
道結束佩吳鉤

題蘇許公林亭

平津東閣在別是竹林期萬葉秋聲裏千家落
照時門隨深巷靜窗過遠鐘遲客住苔生處依
然又賦詩

送孫革及第後歸江南

過淮芳草歇千里又東歸野水吳山出家林越
鳥飛荷香隨去棹梅雨濕征衣無數滄洲客如
君達者稀

題僧房

披衣聞客至關鎖此時開鳴磬夕陽盡卷簾秋

色來名香連竹徑清楚出花臺身在心無事作
住他方到幾回

送太常元博士歸潤州

渡江秋色裏詩興與歸心客路綠楓岍家人掃
橋林潮聲當晝起山翠近南深幾日華陽洞寒
花獨自尋

蘇渙

渙本不平者善放白弩巴中號曰白跖竇
人患之以比盜跖後自知非變節從學鄉
賦擢第累遷至御史佐湖南幕崔中丞遇

害渙遂踰嶺扇動哥舒跋扈交廣此猶龍
蛇見血本質彰矣三年中作變律詩九首
上廣州李帥其文意長於諷刺亦有陳拾
遺一鱗半甲故善之或曰此子左右嬖臣
侵敗王略今著其文可乎荅曰漢著蒯通
說詞皇史錄列祖君彥檄書此大所以容
細也夫善惡必書春秋至訓明言不廢孟
子格言渙者其殆類此乎但不可弃其善
亦以深戒君子之意

變律格詩

日月東西行寒暑冬夏易陰陽無停機造化渺
莫測開目爲晨光閉目爲夜色一開復一閉明
晦無休息居然六合外曠我天地德天地且不
言世人浪喧喧

同前

毒蜂一成窠高挂惡木枝行人百步外目斷鬼
亦飛長安大道邊挾彈誰家兒右手持金丸引
滿無所疑一中紛下來勢若風雨隨身如萬箭
攢宛轉迷所之徒有疾惡心柰何不知幾

同前

養蚕爲素絲葉盡蚕不老傾筐對林樹此意向
誰道一女不得織萬夫受其寒一夫不得意四
海行路難禍亦不在大福亦不在先世路險孟
門吾從當勉旃

中興間氣集卷之上

中興間氣集卷之下

渤海高仲武集

郎士元

貞外河嶽英奇人倫秀異自家形國遂擁
大名右丞以往與錢更長自丞相已下更
出作牧二公無詩祖餞時論鄙之兩君體
調大抵欲同就中郎公稍更閑雅近於康
樂如荒城背流水遠雁入寒雲去鳥不知
倦遠帆生暮愁又蕭條夜靜邊風吹獨倚
管門向秋月可以齊衡古人掩映時輩又

暮蟬不可聽落葉豈堪聞古謂謝朓工於發端比之於今有慚沮矣

送楊中丞和蕃

錦車登隴日邊草正萋萋舊好隨君長新愁聽鼓鞞河源飛鳥外雪嶺大荒西漢壘今猶在遙知路不迷

送奚賈歸吳

東南富春渚曾是謝公遊今日奚生去新安江正秋水容清過客楓葉落行舟遙想赤亭下聞猿應夜愁

別鄭礪

暮蟬不可聽落葉豈堪聞自是悲秋客那能此路分荒城背流水遠雁入寒雲陶令東籬菊餘花可贈君

送長沙韋明府之縣

秋入長沙縣蕭條旅宦心烟波連桂水官舍映楓林雲日楚山暮沙汀白鷺深遙知訟堂裏佳政在鳴琴

送洪州李別駕之任

南去秋江遠孤舟興自多能將流水引更入洞

庭波夏口帆初上潯陽雁正過知音在霄漢佐
郡豈蹉跎

送裴補闕入河東幕

皎然青瑣客何事動行軒苦節酬知己清吟去
掖垣秋城臨海樹寒月上營門鄒魯詩書地應
無鼙鼓喧

春日宴張舍人宅

嬾尋芳草徑來接待臣筵山色知殘雨牆陰覺
暮天鶯歸漢宮柳花隱杜陵烟地與東城接春
光醉目前

送陸員外赴潮州

含香臺上客剖竹海邊州楚驛多歸信閩溪足
亂流今朝永嘉後重見謝公遊

送王梵流雷州

昨日三峰尉今朝萬里人平生任孤直豈是不
防身海霧多爲瘴山雷乍作鄰遙憐北窗月與
子獨相親

題劉相公三湘圖

昔歲別衡霍邇來憶南州今朝平津邸兼得瀟
湘遊稍辨郢門樹依然芳杜洲微明一作三巴

峽咫尺萬里流去鳥不知倦遠帆生暮愁浮陽
指天末北渚空悠悠枕上見漁父坐中常狎鷗
誰言魏闕下自有東山幽

送孫侍郎往容府宣慰

春原獨立望湘川擊隼南飛上楚天奉詔不言
空問俗清時因得訪遺賢荆門晚色兼梅雨桂
水春風過驛船疇昔嘗聞陸賈說故人今日豈
徒然

塞下曲

寶刀塞上兒身經百戰曾百勝壯心竟未嫖姚

知百車山頭日初沒黃沙戍下悲歌發蕭條夜
靜邊風吹獨倚營門向秋月

崔峒

崔拾遺文彩炳然意思方雅如清磬渡山
翠閑雲來竹房又流水聲中視公事寒山
影裏見人家斯亦披沙揀金往往見寶

春日憶姚氏外甥

離亂人相失春秋雁自飛祗緣行路遠未必寄
書希二月花無數頻年意有違落暉看過後獨
坐淚沾衣

題崇福寺禪師院

僧家竟何事掃地與焚香
清磬渡山翠閑雲來
竹房身心塵外遠歲月坐中忘
向晚禪堂掩無人空夕陽

江上書懷

骨肉天涯別江山日落時
淚流襟上血髮變鏡
中絲胡越書難到存亡夢豈知
登高回首罷形影自相隨

送薛良友往越州謁從叔

辭家日已久與子分仍深
易得思鄉淚難爲欲

別心孤雲隨浦口幾日到山陰
遙想蘭亭下清風滿竹林

送貞上人還蘭若

得道雲林久年深暫一歸出山
逢世亂乞食覺人希半偈初傳法
中峰又掩扉愛憎應不染塵俗自依依

送丘二十二歸蘇州

積水與寒烟嘉禾路幾千孤猿鳴海嶠
群雁起湖田曾見長洲苑嘗聞大雅篇
卻將封事去知爾得閑眠

初拜命後酬丘二十二見贈

江海又垂綸朝衣忽挂身丹墀方謁帝白髮免
羞人才傑文章士名當諫爭臣空餘薦賢分不
敢負交親

題桐廬李明府官舍

訟堂寂寂對烟霞五柳門前晚聚鷗流水聲中
視公事寒山影裏見人家移風共美新爲政計
日還知更觸邪卻憶陶潛無限酒不逢籬菊便
開花

清江曲內一絕

折霽
躡

八月長江去浪平片帆一道帶風輕極目不分
天水色南山南是岳陽城

張繼

自外累代詞伯積習弓裘其於爲文不雕
自飾及爾登第秀發當時詩體清迥有道
者風如女停襄邑杼農廢汶陽畊可謂事
理雙切又火燎原猶熱風搖海未平比興
深矣

送判官往陳留

齊宋分廵地頻年此用兵女停襄邑杼農廢汶

陽畊使者乘輅去諸藩擁節迎深仁佐君子薄
賦郵黎甿火燎原猶熱風搖海未平應將否泰
理一問魯諸生

感懷

調與時人背心將靜者論終年帝城裏不識五
侯門

夜泊松江

月落烏啼霜滿天江楓漁火對愁眠姑蘇城外
寒山寺夜半鍾聲到客舫

劉長卿

長卿有吏幹剛而犯上兩遭遷謫皆自取
之詩體雖不新奇甚能鍊飾大抵十首已
上語意稍同於落句尤甚思銳才窄也如
草色加湖綠松聲小雪寒又沙鷗驚小吏
湖色上高枝又細雨濕衣看不見閑花落
地聽無聲裁長補短蓋絲之類歟其得罪
風霜苦全生天地仁可謂傷而不怨亦足
以發揮風雅矣

題崔公庭竹

不學媚清瀾能依上將壇朦朧低冕過青翠捲

簾看得地移根遠經霜抱節難
紉花成鳳寶嫩筍長漁竿
藹藹軍容靜蕭蕭郡宇寬
細音和角響踈影上門寒
阮巷何人在梁園幾處殘
空餘軒屏側歲晚對一作伴任安

送朱山人越州賊退歸山陰別業

越中初戰罷江上送歸橈
南渡無來客西陵自落潮
空城垂故柳舊業廢春苗
閭里誰相見鶯花共寂寥

謫至于越亭作

天南愁望絕亭上柳條新
落日獨歸鳥孤舟何

處人生涯投嶺徼世業陷邊塵
江入千峰暮花迎百越春
秦臺憐白首楚水怨青蘋
草色無征路鶯聲傍逐臣
獨醒翻引笑直道不容身
得罪風霜苦全生天地仁
青山數行淚滄海一窮鱗
牢落機心盡空憐鷗鳥親

陪鄭中丞林園宴

心遠親魚鳥功成厭鼓鼙
林中阮家醉池上謝公題
門徑蒼苔人忌陰綠篠低
夕易山向背秋草水東西
舊架懸藤老踈籬插槿齊
風烟不可到誰羨武陵溪

送張繼司直適越

時危身適越事往任浮沉
萬里江山去孤舟百戰心
春風吳渚綠古木剡山深
明月滄州路歸雲不可尋

送駱三少府西山應制

汀洲芳草綠日暮更芬芬
舊國無來信春江獨送君
五言凌白雪六翮向青雲
自是無機者沙鷗已可羣

送李中丞之襄州

流落征南將曾驅十萬師
罷歸無舊業老去變

明時獨立三邊靜輕生一劍知
茫茫漢江上日暮欲何之

題鄭山人幽居

一作寂寂孤鶯啼杏園
寥寥一犬吠堯源

白首深藏谷口村春山犬吠武陵原
落花芳草無行處萬壑千峰獨閉門

送郎士元

春風倚棹闔閭城水國春深陰復晴
細雨濕衣看不見閑花落地聽無聲
日斜江上孤帆影草綠湖南萬里程
東道若逢相識問青袍今日誤儒生

李季蘭

士有百行女唯四德季蘭則不然形氣既
雌詩意亦蕩自鮑昭以下罕有其倫如遠
水浮仙棹寒星伴使車蓋五言之佳境也
上做班姬則不足下比韓英則有餘不以
遲暮亦一俊嫗

湖上臥病喜陸鴻漸至

昔去繁霜月今來苦霧時相逢仍卧病欲語淚
先垂強勸陶家酒還吟謝客詩偶然成一醉此
外更何之

寄校書七兄

無事烏程縣蹉跎歲月餘不知芸閣吏寂寞竟
何如遠水浮仙棹寒星伴使車因過大雷岬莫
忘幾行書

寄朱放

望水試登山山高湖又闊相思無曉夕相望經
年月鬱鬱山木榮綿綿野花發別後無限情相
逢一時說

送韓揆之江西

相看指楊柳別恨轉依依萬里江西水孤舟何

處歸溢城潮不到夏口信應稀唯有衡陽雁年
年來去飛

道意寄崔侍郎

莫漫戀浮名應須薄宦情百年齊旦暮前事盡
虛盈愁髮行看白童顏學未成無過天竺國依
止故先生

賦得三峽流泉歌

妾家本住巫山雲巫山流泉常自聞玉琴奏出
轉寥夔直似當時夢裏聽三峽迢迢幾千里一
時流入幽閨裏巨石崩崑指下生飛泉走浪絃

中起初疑憤怒含雷風又似嗚咽流不通回湍
曲瀨勢將盡時復滴瀝平沙中憶昔阮公爲此
曲能令仲容聽不足一彈旣罷還一彈願似流
泉鎮相續

竇叅

竇君詩亦祖沈千運比於孟雲卿尚在廊
廡間如萬丈水聲落四時松色寒又人生
年幾齊憂苦亦先老雖其羽翼未齊而筋
骨已具

閑居湖上

避影將息陰自然知音稀向來深林中偶亦有
所窺飛鳥口銜食引雛上高枝但各子其子寧
知宜不宜止止復何言物情方可知

登潛山觀

山勢欲相抱一條微徑盤攀夢歇復行始得凌
仙壇聞道葛夫子此中鍊還丹丹成五色光服
之生羽翰靈草空自綠餘霞誰復殮至今步虛
處猶有孤飛鸞幽幽古殿門下壓浮雲端萬丈
水聲落四時松色寒既入無何鄉轉嫌人事難
終當遠塵俗高臥從所安

遷謫江表久未歸

一自經放逐徘徊無所從便爲寒山雲不得隨
飛龍名豈不欲保歸豈不欲早苦無三月資遠
適萬里道離心與羈思終日苦草草人生年幾
齊憂苦亦先老誰能假羽翼使我暢懷抱

道人靈一

自齊梁以來道人工文多矣罕有入其流
者一公乃能刻意精妙與士大夫更唱迭
和不其偉歟如泉涌塔前地雲生戶外峰
則道猷寶月曾何及此

酬皇甫冉赴無錫於雲門寺贈詩別

湖南通古寺來往意無涯欲識雲門路千峰到
若耶春山子猷宅古木謝敷家自可長偕隱那
云相去賒

宿靈洞觀

石室因投宿仙翁幸見容花原隔水見洞府過
山逢泉涌堦前地雲生戶外峰中宵自入定非
是欲降龍

靜林寺即武帝隱所有鐘磬皆古物時
時有聲

靜林溪路遠蕭帝有遺蹤水擊羅浮磬山鳴于
閬鐘燈傳三世火樹老萬株松無數烟霞色空
聞昔臥龍

句
雨後欲尋天目山問元駱二公溪路絕

昨夜雲生天井東春山一雨幾回風林花併逐
溪流下欲上龍池通不通

姚倫

姚子詩雖未弘深去凡已遠屬辭比事不
失文流如亂聲千葉下寒影一巢孤篇什

之秀也

感秋林

試向東林望方悲節候殊亂聲千葉下寒影一
巢孤不蔽秋天雁驚飛夜月烏霜風與春日幾
度遣榮枯

過章秀才客舍

達人心自適旅舍當閑居不出來時徑重看讀
了書晚嵐山色近秋日樹陰疎晝是忘言客聽
君誦子虛

皇甫曾

昔孟陽之與景陽詩德遠慙厥弟協居上
品載處下流今侍御之與補闕文辭亦爾
體制清潔華不勝文然寒生五湖道春及
萬年枝五言之選也其爲士林所尚宜哉

送雲門邕上人

春山臨一室獨坐草萋萋身寂心成道花閑鳥
自啼細泉松逕裏反照竹林西晚與門人別依
依出虎溪

送林中丞還京

戰罷回龍節朝天見鳳池寒生五湖道春及萬

年枝邵化多遺愛胡清已畏知懷恩多感別墜
淚向旌旗

贈別荃公

律儀傳教誘僧臘老烟霄樹色依禪誦泉聲入
寂寥龕龍來遠國回壁見南朝深戶風開合寒
泉月對搖息心居靜理愛定至中宵更欲尋真
去乘船泛海潮

送杜中丞還京

上將還專席雙旌復出秦關河三晉路賓從五
原人孤戍雲連海平沙雪度春酬恩看玉劍何
處有烟塵

早朝日寄所知

長安歲後見歸鴻紫禁朝天拜舞同曙色漸分
雙闕下漏聲遙在百花中爐烟乍起開仙仗玉
珮成行引上公共荷發生同雨露不應黃葉又
從風

孟雲卿

鄴城懷古

朝發淇水南將尋北燕路魏家舊城闕寥落無
人住伊昔天地屯曹公獨中據羣臣將北面白

日忽西暮三臺竟寂寥萬世難長固雄豪安在
哉衰草沾霜露崔嵬長河北尚見應劉墓古樹
藏龍蛇荒茅伏狐兔永懷故池館數子連章句
逸興驅山河雄詞變雲霧我行覩遺跡精爽如
相遇斗酒將酌君悲風白楊樹

傷情

爲長心易憂早孤意常傷出門先躊躇入戶亦
彷徨此生一何苦前事安可忘兄弟先我没孤
幼盈我傍舊居近東南河水新爲梁松栢今在
茲安忍思故鄉四時與日月萬物各有常秋風

已一起草木無不霜行行當自勉不忍再思量

傷時

徘徊宋郊上不見平生親獨立正傷心悲風來
孟津大方載羣物生死有常倫虎豹不相食哀
哉人食人豈伊逢世運天道亮云云

同前

大空流素月三五何明明光耀侵白日賢愚迷
至精四時更變化天道有虧盈常恐今夜沒須
臯還復生

西蜀劉灣

出塞曲

將軍在重圍音信絕不通羽書如流星飛入甘
泉宮倚是并州兒少年心膽雄一朝隨召募百
戰爭王公去年桑乾北今年桑乾東死是征人
死功是將軍功汗馬牧秋月疲卒臥霜風仍聞
左賢王更欲圍雲中

虹縣嚴孝子墓

至性教不及因心天所資禮聞三年喪汝獨終
身期下布骨肉恩上報父母慈禮聞哭有卒汝
獨哀無時前有松柏林荆棘結蒙籠墓門白日
閉泣血黃泉中草服蔽枯骨垢容載飛蓬舉聲
哭蒼天萬木皆悲風

李陵別蘇武

漢武愛邊功李陵提步卒轉戰單于庭身隨漢
軍沒李陵不愛死心存歸漢闕誓欲還國恩不
爲匈奴屈身辱家已無長居狼虎窟胡天無春
風虜地多積雪窮陰愁殺人况與蘇武別發聲
天地哀執手肺腸絕白日爲我愁陰雲爲我結
生爲漢官臣死爲胡地骨萬里長相思終身望
南月

雲南曲

百蠻亂南方群盜如蝟起騷然疲中原征戰從
此始白門大和城來往一萬里去者無全生十
人九人死岱馬卧陽山燕兵哭瀘水妻行求死
夫父行求死子蒼天滿愁雲白骨積空壘哀哀
雲南行十萬同已矣

張南史

張君奕碁者中歲感激苦節學文數載間
稍入詩境如已被秋風教憶鱸更聞寒雨
勸飛觴可謂物理俱美情致兼深

送朱文北遊

歲暮欲爲別江湖聊自寬且無人事戀誰謂客
行難郢曲憐公子吳州憶伯鸞蒼蒼遠山際松
栢獨宜寒

陸勝宅秋雨中探韻同作

同人永日自相將深竹閑園偶辟強已被秋風
教憶鱸更聞寒雨勸飛觴歸心莫問三江水旅
服從沾九日霜醉裏欲尋騎馬路蕭條幾處有
垂楊

送司空十四遊宋州

危城下蕭條送爾歸寒風聞画角暮雪犯
征衣道里猶成間親朋重與違白雲愁欲斷看
大梁飛

中興間氣集卷之下終

中興間氣集校文

中興間氣集二卷叢刊以嘉興沈氏藏明本影印明本每半葉
十行每行十八字行款與武進費氏仿宋刊本同而字句則與
毛氏汲古閣刊本無大異子晉跋云家藏間氣集凡三本俱逸
五人評語張榮文章八元載
叔倫孟雲卿劉澗此本亦然知毛本即從此出矣江安傳
氏有何義門校本義門所據乃述古堂影宋鈔本然又不盡與
費刻同惟五人評語釐然具在又多高氏自序一首洵佳本也
既補其闕佚復校其異同以諗讀者辛酉四月無錫孫毓修識
唐中興間氣集序

渤海高仲武述

詩人之作本諸于心心有所感而形於言言合典謨則列於風雅
暨乎梁昭明載述已往撰集者數家推其風流正聲最備其餘著
錄或未至焉何者英華失于浮游玉臺陷于淫靡珠英但紀朝士

丹陽止錄吳人此繇曲學專門何暇兼包衆善使夫大雅君子所以對卷而長嘆也

唐興一百七十載屬方隅叛渙戎事紛綸業文之人述作中廢粵若肅宗先帝以殷憂啓聖反正中原伏惟皇帝以出震繼明保安區宇國風雅頌蔚然復興所謂文明御時上以化下者也仲武不揆非陋輒罄謏聞博訪詞林探察謠俗起自至德元首終於大歷暮年述一作費本無此句者數千此句選者二十六人詩總一百三十二二四首分爲兩卷七言附之略叙品彙人倫命曰中興間氣集且夫微言雖絕大制猶存何云此處疑有脫誤詳其否臧當可擬議古之作者因事造端敷弘體要立義以全其制因文以寄其心著王政之興衰表國風之善否豈其苟悅權右取媚薄俗哉今之所收殆革前弊但使體狀風雅理致清新觀者易心聽者竦耳則朝野通取一作載格律兼收自鄙以下非所敢隸焉凡百君子幸詳至公

一葉一行 中上有唐字 三行 錢起下有十二首三字 四行 贈下

注一作濟 芟作救下注一作變 齊宋作宋齊 八行 林疎

作雲深 十行 雅作準 十二行 後下有生字 十五行 回下

注一作過 高下注一作江

二葉一行 暉作輝 二行 初字下無見字空格接鑿字 四行 闕鈔

作關 七行 土下鈔有二三二字 十四行 盾鈔作質

三葉二行 二月黃鸝飛上林春城紫禁曉陰陰應倒轉禁作陌鸝作鶯 四行 對作戴下注一作對 六行 過溫逸人舊居作送溫逸

人詩云垂白無名者何年此陸沉丘園應得性婚嫁不娶心歲計

因山薄霞栖在谷深結廬一作股連草色曬藥背松陰觸興雲生岫

隨耕鳥下林支頤笑來客頭上有朝簪

十一行 送下無彈琴二字 十二行 處作度 十三行 雪作髮

十六行 頻作貧 十九行 看作瞻

四葉二行 事作幸 四行 紫氣作仙子 五行 百花酒滿不見君作

百花滿眼不見君 六行 文作甫下有二首二字 評云衆甫

詩婉媚綺錯巧用文字工于興喻如不隨淮海變空愧稻梁恩

盡陳謝之源又自當舟楫路應濟往來人得諷興之要形容體

裁皆如此文流佳士也

七行 寄興園池鶴上劉相公作詠鶴上興元劉相公 九行 梁

作糧 十一行 賦字無 十二行 楫作楫 十五行 吳下空一

字又注 得家花斜 十六行 雪作雨遇下注 過一作 十九行 于良

史下有二首二字

五葉二行 望下有長安寄李贊府六字 七行 溼下注 花溼 林 雲作

煙 十行 鄭丹下有二首二字 十一行 剪作剪 十三行 薊

作蘄 十五行 明下有孝字 十六行 謂下注 爲一作 十七行

疆作壇 十九行 宗下有文明武德大聖大寧孝皇帝十一字

二十行 閣下注 暗一作 忽作又下注 忽一作

六葉三行 李希仲下有二首二字 四行 李作希仲二字實作質

五行 前作如飛鳥落作鳥飛斷 六行 無疊疊二句 七行 祠

作詞 八行 去作吉佩作珮 十一行 鈔無二首二字實是一

首明本誤作二首 十六行 落作斷亦無夾注 十七行 昏下

注 揚一作沙 入作日下注 入一作 須作復下注 須一作 十八行 節下

注 義一作 十九行 李嘉祐下有八首二字 二十行 流下有也

字

七葉二行 蓋字無 二行 章作華 四行 役作設 毛刻 假 五行 出作

生生作出窮極筆力作窮思極筆 七行 溢作盆作下有時字

時字以下 九行 晚望作晚照 更作苦 十六行 王作楊 十八

行 鈔本側注 川下注 天一作 風下注 聲一作 看作香 毛刻 垂

八葉九行 送上有奉字端公二字鈔本無州下有幕字 十一行 聲

作啼

十二行

日作自

十三行

林下有相字

十四行

林下

注

一作樹陰

送從弟永任饒州錄事參軍

明本毛本登楚城後為和苗員外秋夜省直鈔本無此詩

一官萬里向千溪水宿水行漁浦西日晚長煙高岸一作嶺近天空

積雪遠峯低蘆花渚上鴻相叫苦竹叢一作橋邊猿暗啼聞道慈親

倚門待一作望到時蘭葉正萋萋

九葉一行章八元下有二首二字 評云

八元嘗於都亭偶題數言蓋激楚之音也會稽嚴維到驛問八

元曰爾能從我學詩乎曰能少頃遂發八元已辭家維大異一作賢

之遂親指喻數年詞賦擢第如雪晴山脊見沙淺浪痕交此

得江山之狀貌矣

三行 出作去戍下注一作渡 四行 笑下注一作愧

寄都官李郎中明本無此詩

舊宅平津邸槐陰抵漢宮鳴騶馳道上見月直廬中白雪歌偏麗
青雲宦早通悠然一逢掖千里恨清風

六行 戴叔倫下鈔有二首二字 評云

叔倫之為人溫雅善舉止無賢與不肖見皆盡心在租庸幕下
數年夕口靡怠吏部尚書劉公與祠部員外郎張繼書博訪選
材曰指對賓客如叔倫者一見稱心其詩體格雖不越中口然
靡宇經山火公田沒海潮亦指事造形其骨稍軟故詩家少之

送謝夷甫宰剡縣明本收詩六首鈔本惟此及廣陵送趙主簿自蜀歸二首

君去方為縣兵戈尙未銷邑中殘老小亂後少官寮靡宇經山火

公田沒海潮到時應變俗新譽滿一作政餘姚

十葉七行 蜀下有歸絳州觀省五字 八行 歸下注一作之 省作自

九行 馬作騎下注一作馬 十一行 皇甫冉下有十三首三字

十二行 評語前半鈔本云補闕自擢桂禮闈遂為高格往以世

遺艱虞避地江外每文章一到朝廷而作者變色于詞場爲先
後推錢爲宗伯詩家勝負或逐鹿中原如果熟任霜封籬疏從
水度又哀露收新稼迎寒葺舊廬下接又燕知社日辭巢去云云 十八行者下
有珍奇二字 二十行 斯下有恨字

十一葉六行 裴固作許先生又注一作風裴固新圖 十一行 袁作裴 十

五行 蘇作藉至下有兼見寄三字 十六行 處作歲 十七行

來作還

十二葉二行 霄作秋下注一作霄 五行 迴下注一作迴 七行 鈔無一

作金三字 八行 鈔無於字所居字 九行 事作興霜作寒

十行 空下注一作空 十二行 獨上有和字無陪字 十四行 鈔

無一作處處四字 十七行 閉閣閒作開復關 十八行 喧作

啼靜默作默寂住作駐 二十行 林作裴南下有幕字

十三葉一行 緣作遠澤作塞 二行 溢作盆泊處作處泊 三行 清

作聲何云清字不通 五行 汀沙作沙洲 七行 至下注一作到

十行 對下注一作聽 十二行 獨作自 十五行 氤氳作氤氳

十六行 天作仙下注一作天 十七行 杜誦下有一首二字 十

八行 詩下有平字 十九行 始終作終始故編之作故編於

是集

十四葉一行 雅作賦舊作近下注一作雅 三行 颯作瑟 四行 朱灣

下有八首二字 五行 從事作朱君情下注一作噴 辟作徵 六

行 幽作清下注一作幽 洪作弘 九行 者字無

對蘇使君席詠箏柱子在秋夜燕王邸中宅詩前

散木今何幸良工不棄捐力微慙一柱材薄仰羣賢但願一作且喜聲

相應寧辭跡屢遷知音如見賞雅調爲君傳

十行 無露字中作寒義門云當作賦得寒菊得時字 十二行

待賞作有分 十三行 他迭盛作隨秋草 十四行 奉使設宴

戲擲籠籌作韋使君席詠拘籠籌得茲字

十五日作幸

得十九行采采作受采

十五葉二行 上字下有未開二字瓢作杓

六行 玉作三 按讀書

敏求記云朱灣詠三詩凡元板至明時刻本皆誤作詠玉此正

可證遵王語七行歌作獻九行董生作仲舒十二行回

處作過去過字下注十一行段作遐松下有歌字十

四行 天生有作天然朽下注十一行生有天深作森下注十一

深十八行面作半下注十一行生作藏十九行色杏作要似

要字下注十一行杏一作

十六葉一行 韓翃下有七首二字二行韓下有翃字九行南去

作南下十二行房下注得閑十五行 杏作宵十九行聲

作風

十七葉一行 題蘇許公亭林下注得詩七行 溼下注十一行點十一行

鎖作鑰下注十一行色作氣下注十一行事作住下注十一行

事十四行裏下注氣在家人作人家掃作指下注十一行

十五行 起下注連一作潮聲蘇渙下有二首二字十

九行 盜跖作莊躄二十行丞下有灌字

十八葉一行 龍蛇作蛟龍二行變下有體字詩下有十字三行

李作連帥下有李公勉三字育作有五行乎作歟著作策下

有載字六行列字無八行類此作庶幾乎下有豈字其

善作雕蟲九行深戒君子之意作深懲賊子也十行格字

無十一行寒暑冬夏易陰陽無停機造化渺莫測作不照大

荒北其中有毒龍靈怪人莫測十三行外作內我作哉十

六行 斷作動下注十一行邊作旁下注十一行

十九葉一行 林樹作空林

唐中興間氣集卷下

一葉三行 郎士元下有十二首三字 四行 形作刑 按當作邢君

胄中山人也 五行 更出作出使 六行 公作君 十一行 古

下有人字 十四行 車下注 輪一作 壠作隴 十九行 桐葉落行

舟下注 伴一作霜葉 二十行 應作生下注 應一作

二葉一行 別鄭礪作鄭礪宅送錢大夫 五行 作送韋明府之任長

沙 七行 山作天下注 山一作 鷺作露 九行 作送彈琴李別駕

之任洪州 十一行 潯作尋 十三行 東作南 十九行 隱作

隔下注 隱一作 常作長 十五行 春作

三葉九行 兼作再何云兼字不通 十二行

秦 十七行 驛下注 客一作 後作盡

四葉 崔峒下有九首二字 六行 外甥作諸生 九行

十三行 忘下注 長一作 十一行 上作山下注 山一作 二十行 日

作年下注 日一作 仍下注 偏一作

五葉三行 員作貞 四行 久下注 下一作 五行 愛憎作離憂 七行

送丘二十二作送丘爲 八行 見作是 十一行 初拜命後酬

丘二十二見贈作初拜命酬丘丹二十一見贈 十三行 傑作

愧 十五行 桐廬下注 同官一作 十六行 晚聚鷓下注 晚一作 鷓

十八行 卻憶作可惜 二十行 清江曲內一絕作同從季卿晴

江極目夾注折腰體三字鈔本無

六葉一行 去浪平作萬里晴片帆作千帆 三行 張繼下有二首二

字 七行 平下有應將否泰理一問魯諸生二句 九行 送下

有鄒字 十一行 藩作侯下注 藩一作 佐作仰薄作爲 十四行

七葉一行 遭作度 二行 之作焉十作九 三行 甚下有此其二字

四行 草色加湖綠松聲小雪寒作草色無征路松聲傍逐臣

無沙鷗驚小吏二句 五行 閑花落地聽無聲作殘花滿地落

無聲殘下注一作六行之下有微字九行題崔公庭竹作

奉和郭參謀題崔令公庭竹十行朦朧作蒙籠十一行紉

作細十二行藹藹作靄靄十三行響作暮門作階下注一作

門阮巷下注一作園下注一作朱下有放字退下有

後字十七行誰作稀下注一作花下注一作

九行 謫至于越亭作作負譴後登干越亭作

八葉三行 引作取四行數作兩六行陪鄭中丞林園宴作奉陪

鄭中丞自宣州解印與子姪宴餘干林園七行心遠下注一作

意八行低下注一作烟作塵下注一作

二行 適越下注一作去作客舟作城十三行渚作苑十五

行 山作上十六行芬芬作氤氳十七行是作媿十九行

送李中丞之襄州作送李中丞歸漢陽別業四

九葉一行 靜下注一作幽居作別業四

行 原作源芳草下注一作行下注一作閉作掩下注一作

六行 郎作嚴下注一作深作寒八行閑作殘九行

程作情相識作知已下注一作日下注一作李季蘭

下有六首二字十二行然下有也字十三行雌作雄罕有其倫

句下有四十九字云嘗與諸賢集烏程縣開元寺知河間劉長

卿有陰重之疾乃諂之曰山氣日夕佳長卿對曰衆鳥欣有託

舉座大笑論者兩美之十四行星下注一作傲作

比十六行嫗下有也字十七行湖上臥病鈔本在登山望

閩子不至後十八行勸陶作飲程二十行外更作別竟竟

下注一作七作十九二行蹉跎作差池下注一作岸作澤

五行 寄朱放作登山望閩子不至下注一作水作遠

又作水七行相逢作逢君十行江西作西江西下注一作

十一行 溢作盆 十三行 郎作御 十四行 宦作世前作萬

十五行 白作老未作可成下注一作未可天下注一作乾 十六行 賦

得上有從蕭叔子聽彈琴七字 十七行 奏作彈下注一作奏

十九行 直似作真是 二十行 幽下注一作深 崑作崖

十一葉一行 初作切 三行 還作復 五行 寶參下有二首二字

六行 祖下有述字 八行 亦作即其字衍 九行 具下有也字

十行 閑居湖上作湖上閑居之作 十三行 可作自 二十行

遠塵俗三字鈔本闕

十二葉一行 歸下有而作二字 三行 欲作得苦作久遠適作難遂

四行 苦作常 五行 亦作即 六行 靈一下有四首二字

七行 工作攻文下有者字 十行 此下有也字 十一行 冉下

有將字詩字衍 十五行 宿靈洞觀詩在靜林後 十九行 靜

林寺即武帝未遇時隱居之所作靜林梁精舍即武帝隱所

十三葉八行 姚倫下有二首二字 十三行 東林望作林東望又注

林一作疎 十六行 才下有洛陽二字 十八行 嵐山作山嵐

二十行 皇甫曾下有五首二字

十四葉三行 潔作緊復注一作潔 五行 門下有寺字 六行 閑下注

一作 七行 反照作返照下注一作幽景 九行 林作杜 十行 戰

罷作罷戰 十一行 邵作召多作偏墜作墮 十三行 筌公作

鑒上人下注一作筌公 十五行 龍作經戶作竹下注一作戶 十

六行 泉作潭對作動居作歸理下注一作居靜理 至作坐

贈別鑒上人下明本為送杜中丞還京早朝日寄所知二首鈔
本如下

寄張仲甫

悲風生舊浦雲嶺隔東田伏臘同鷄黍柴門閉雪天孤村明夜火
稚子候歸船靜者心相憶離居畏暮年

贈霈禪師

南岳滿沅湘吾師經利涉身歸沃洲老名與支公接靜教傳荆吳
道緣止漁獵觀色空不染對鏡心自愜空中人寂寞門外山重疊
天台積幽夢早晚更一作□□

十五行孟雲卿前鈔本有鄭常三首并評語

鄭常三首

常詩婉靡雖未弘遠已入文流如儒衣荷葉老野飯藥苗肥足
見丘園之趣也

寄邢逸人

羨君□□事日與世情違地僻人難到谿深鳥自飛儒衣荷葉老
野飯藥苗肥疇昔江湖意而今憶共歸

謫居漢陽至白沙阻雨因題驛亭

陽漢知近遠見說過盆城雲雨經春客江山幾日程終隨鷗鳥去

祇待海潮生前路逢漁父多愁問姓名

送頭陀上人自廬山往東溪蘭若

僧家無住着早晚出東林口道非真相陀頭是苦心持齋山果熟
倚錫野雲深溪寺誰相待香花與梵音

十五葉七行

孟雲卿下有六首二字評語云

祖述沈千運漁獵陳拾遺詞意傷怨如虎豹不相食哀哉人食
人方干七哀路有口婦人抱子棄草間則雲卿之句深矣雖效
于沈陳纔得升堂猶未入室然當今古調無出其右一時之英
也余感孟君好古著格律異門論及譜三篇以攝其體統焉

夏末田園觀雨兼晴後作

二首鈔本在
郟城懷古前

貧賤少情欲借荒種南陂我非老農圃一作安得良土宜秋成不

廉儉歲食多餒飢顧視倉廩間有糧不成炊晨登南原上雨歇清

□一作蟬悲早麥一作既芄芄晚田尙離離五行孰堪口萬物常及

時口哉數夫子開翅情莫違一作開翅 慎勿違

汴河阻風

清晨自梁宋挂席之楚城出浦風潮惡傍灘舟欲橫大河海東注
羣動皆窅冥白霧魚龍氣黃雲牛虎形蒼茫迷所失危懼安暫寧
信此天地內孰於身命輕丈夫苟未達所向須存誠前路捨舟去
東南應晚晴

十一行 寥作寔難長作良難豪作圖下注一作豪 十二行 見作

想下注一作見 十三行 龍蛇作乖龍狐作秋 十四行 覩下注

觀一作 十七行 常作恒踏作蹶 十八行 彷彿沒下注父一作兄

棄我一 十九行 東下注一作西 二十行 安忍作君何下注安一作忍

各下注一作覺 秋風已一起作寒風一夕起注一作秋風 已一起

十六葉二行 傷時下有二首二字 五行 同前二字衍 七行 大空

作太虛 十行 劉灣下有四首二字 評語云

灣蜀人也性率多直屬文比事尤得邊塞之思如死是征人死
功是將軍功悲而且訐又舉聲哭蒼天萬木皆悲風□□□□
□□又李陵不愛死心存歸漢闕逆子賊臣聞之宜乎皆改節

矣何云鈔本闕六字然文意已完疑舊刻乃刊去訛謬耳

十三行 是下注一作特 十五行 卒作兵 聞左作傳右 十六

行 圍作圖下注一作圖 十七行 墓下有作字 十八行 汝作爾

十九行 布作由禮作又爾作汝 二十行 有作從刺作榛籠作

龍白日閉作白雲開下注一作白 日閉

十七葉一行 載作戴 七行 武作子 八行 肺作肝愁陰作陰愁

九行 宮作家 十一行 曲作行 十二行 如作皆騷然作軍馬

原下注疲一作原 原然 戰作伐 十四行 岱作代陽作湯 十五行

空作荒一作空 行下注一作津 一作河 十七行 張南史下有二首二字

按鈔本張南史在姚倫前 十八行 載作年 二十行 俱作具

深下有也字

十八葉二行

欲作一别下注

歸一作客

且下注

自一作

三行

州作門

四行

栢作樹下注

栢一作

六行

人下注

心一作

八行

沾作霑日

作月

十行

四下有北字

按鈔本此首在送朱文北游前

第	号
平成	3. 11. 22
聖和學	
圖短大	
園書館	

